

Aningaasanik ingerlataqarneq pillugu inatsisip allannguutaa pillugu inatsimmi § 1-ip ilaata, aningaasanit peqquserluutinit iluanaarutininik malunnarunnaarsaasarnernik aamma pinerliiniarnerit aningaasalersorneqartarnerinik akiuiniarluni iliuuserisassat pillugit inatsisip, pappiaqqanik nalilinnik niuerneq pillugu inatsisip, aningaasat aggornikut pillugit inatsisip inatsisinilu allat assigiinngitsut Kalaallit Nunaannut atuutilersinneqarnerat pillugu peqqussut (Aningaasatigut siunnersuisartut piginnaasusissaat pillugu piumasaqaatit, taarsigassarsianik annaaneqariaannarnik nalunaaqutsersuisarneq, akissarsititsisarneq pillugu politikki, pappiaqqanik nalilinnik pilersitsisartut paasisutissiisussaataitanerat, tamanut ammasumik nalunaaruteqartarneq, allaffissornikkut akiliisitsiniutit, akiligassanik isumannaarineq aamma akiliinernik isumaginninneq, aggornikunik ilivitsungortitsisarneq il.il.)

UAGUT MARGRETHE AAPPAAT, Guutip saammaanneragut Danmarkip Dronningia, nalunaarpugut:

Aningaasanik ingerlataqarneq pillugu inatsisip allannguutaa pillugu inatsimmi § 1-ip ilaata, aningaasanit peqquserluutinit iluanaarutininik malunnarunnaarsaasarnernik aamma pinerliiniarnerit aningaasalersorneqartarnerinik akiuiniarluni iliuuserisassat pillugit inatsisip, pappiaqqanik nalilinnik niuerneq pillugu inatsisip, aningaasat aggornikut pillugit inatsisip inatsisinilu allat assigiinngitsut Kalaallit Nunaannut atuutilersinneqarnerat pillugu peqqussut (Aningaasatigut siunnersuisartut piginnaasusissaat pillugu piumasaqaatit, taarsigassarsianik annaaneqariaannarnik nalunaaqutsersuisarneq, akissarsititsisarneq pillugu politikki, pappiaqqanik nalilinnik pilersitsisartut paasisutissiisussaataitanerat, tamanut ammasumik nalunaaruteqartarneq, allaffissornikkut akiliisitsiniutit, akiligassanik isumannaarineq aamma akiliinernik isumaginninneq, aggornikunik ilivitsungortitsisarneq il.il.) inatsit nr. 1556, 21. december 2010-meersumi § 29, imm. 4¹ naapertorlugu aalajangersarpeqarpoq:

§ 1

Aningaasanik ingerlataqarneq pillugu inatsimmi, kunngip peqqussutaatigut nr. 1252, 15. december 2004-meersukkut Kalaallit Nunaannut atulersinneqartumi, peqqussut nr. 1047, 1. september 2010-meersukkut, peqqussut nr. 838, 14. august 2012-meersukkut, [inatsit 1553, 21. december 2010-meersumut tunngatillugu], peqqussutikkut allanngortinneqartumi, imatut allannguisoqarpoq:

1. (Kalaallit Nunaannut atulersinneqanngilaq)
2. (Kalaallit Nunaannut atulersinneqanngilaq)
3. § 1, imm. 2-mi, »64, imm. 5« imatut allanngortinneqarpoq: »64, imm. 4, § 71, imm. 1, nr. 9, aamma imm. 2, §§ 77 a-77 d,«.
4. § 1, imm. 4, oqaaseqatigiinni siullerni, », 373 aamma 374« imatut allanngortinneqarpoq: »aamma §§ 373-374«.
5. (Kalaallit Nunaannut atulersinneqanngilaq)
6. (Kalaallit Nunaannut atulersinneqanngilaq) 7. § 1, imm. 16, oqaaseqatigiinni siullerni, »§§ 127-129, § 131, imm. 1-3 aamma 5, § 132, § 135, imm. 1 aamma 2, §§ 136 aamma 139« imatut allanngortinneqarpoq: »§§ 127 aamma 128«.
8. § 1, imm. 16, oqaaseqatigiinni siullerni, »§ 373« imatut allanngortinneqarpoq: »§§ 373-374«.
9. § 5, imm. 1, nr. 10, litra a-mi, »imm. 8« imatut allanngortinneqarpoq: »imm. 7«.
10. § 5, imm. 6, nr. 4-mi, »§§ 129-131« imatut allanngortinneqarpoq: »§ 128«.
11. § 5, imm. 6, nr. 5-mi, »135« imatut allanngortinneqarpoq: »128«.
12. § 5, imm. 6, nr. 6-mi, »132« imatut allanngortinneqarpoq: »128«.
13. § 5, imm. 6, nr. 7-mi, »136« imatut allanngortinneqarpoq: »128«.
14. § 5, imm. 6, nr. 8-mi, »§§ 134 aamma 138« imatut allanngortinneqarpoq: »§ 128«.
15. § 5, imm. 6, nr. 9-mi, »133« imatut allanngortinneqarpoq: »128«.
16. § 7, imm. 2-mi, »2, 4«-p kingorna ikkunneqarpoq: », 5«.
17. § 8, imm. 2-mi, »sakkut« kingorna ikkunneqarpoq: »kiisalu ilanngussaq 4, immikkoortoq A, nr. 5, aningaasalersuinissamut siunnersuineq sullitap illumik qularnaveeqqusiilluni taarsigassarsineranut, taarsigassarsiat akilernerinut allanngortinnerinulluunniit atatillugu tunngaviusutullu pippat «.
18. § 43, imm. 3, atorunnaarpoq, taarsiullugulu ikkunneqaruni:
 »Imm. 3. Aningaasatigut akilersuutit pillugit akinut mianernartunullu paasisutissat pillugit maleruagassanik inuussutissarsiornermut siuariartornermullu ministeri aalajangersaassaaq.
 Imm. 4. Aningaasatigut siunnersortinut piginnaasatigut piumasaqaatit pillugit maleruagassanik Inuussutissarsiornermut Siuariartornermullu ministeri aalajangersaassaaq.
19. § 45-mi »132« imatut allanngortinneqarpoq: »128, imm. 2«.
20. § 46 imatut oqaasertalerneqarpoq:
 »§ 46. Aningaaseriviup, illuummik qularnaveeqqusiilluni taarsigassarsisitsisarfiup imaluunniit sillimmasisarfiup pingaarnertut aningaasaatit akuleriit pillugit maleruagassanut aamma akisussaassuseqartumik an-

ingaasaatit taarsigassarsiat pillugit maleruagassanut ilaasunik aningaasaatinut aningaasaliineranni suliffeqarfik peqatigisaanik immikkut sullitat inuussutissarsiutigalugulu sullitat aningaasaatinut aningaasali-inernik taakkuluunniit ilaannik pisinerannik taarsigassarsisitsinikkut aningaasaliissanngillat.

Imm. 2. Imm. 1-mi taaneqartutut taarsigassarsilluni aningaasaliinissamut inerteqqut aningaaserivimmi pineqartumi aningaaseriviit piginneqataassutinik imaluunniit qularnaveeqqusiinermi uppenarsaatnik pisinerannut tunisinerannulluunniit taamaaqataanik atuutissaaq. Oqaaseqatigiinni suilliit apeqqutaatinngit sulisut piginneqataassutinik aaqqissuussinermut ilaasumik aningaaserivimmi sulisut piginneqataassutinik pisinerat aningaaseriviit taarsigassarsinikkut aningaasalersorsinnaavaat.«

21. § 46 a atorunnaarpoq.

22. § 71 imatut oqaasertalerneqarpoq:

»§ 71. Aningaasanik ingerlataqarfik suliffeqarfimmik aqutseriaaseqassaaq sunniuteqarluartunik, tasunga ilanngullugu

- 1) nassuiarneqarluartumik, paasiuminartumik kinguneqartitsisumillu akissusaaffinnik agguarsimasumik erseqqissumik aaqqissussinikkut aaqqissugaaneq,
- 2) ajunngitsumik allaffissornikkut naatsorsuuserinikkullu suleriaaseqassaaq,
- 3) ingerlataqarfinnut pingaarutilinnut tamanut allatanik suleriaaseqassaaq,
- 4) suliffeqarfiup atugaanik imaluunniit aqquasaarsinnaasaanik mianernartut suunerinik paasissaqarnissamut, aqutsinissamut, nakkutilliinissamut nalunaaruteqartarnissamullu sunniuteqarluartumik suleriaaseqassaaq,
- 5) isumalluutit, ingerlatat eqqortumik naammassineqarnissaannut pisariaqartut, aamma taakku atorneqarnissaannut naleqquttut,
- 6) soqutigisatigut aporaaffiit isumaginissaannut pitsaaliornissaannullu atatillugu suliat avissaartinneqarnissaat siunertaralugu suleriaatsit,
- 7) suliffiup iluani nakkutilleeriaatsit naammattut,
- 8) qarasaasiaqarnikkut nakkutilliinerit sillimaniarnikkullu aaqqiinerit tutsuiginartut aamma
- 9) akissarsiat pillugit politikki suleriaaserlu, mianernartunik peqqinnartumik sunniuteqarluartumillu aqutsinermut naapertuuttut siuarsaasullu.

Imm. 2. Suliffeqarfimmik aqutsineq pillugu sunniuteqarluartunik periuseqarnissap aalajangernissaanut aningaasanik ingerlataqarfiup aamma aningaasanik piginnittutut suliffeqarfiit aaqqiarnissaat pillugu maleruagassanik erseqqinnerusunik Finanstilsyni aalajangersaasinnaavoq, imm. 1 naap.

Imm. 3. Imm. 1, nr. 9, taamaaqataanik aningaasanik piginnittutut suliffeqarfinnut atuuppoq.«

23. §§ 77 a aamma **77 b** imatut oqaasertalerneqarput:

»§ 77 a. Aningaasanik ingerlataqarfiit aamma aningaasanik piginnittutut suliffeqarfiit siulersuisunik, qullersaqarfimmik sulisunillu allanik, suliffeqarfiup qularnartuutaanut annertuumik sunniuteqartumik suliaqartunik akissarsisitsisarneranni suliffeqarfiup makku eqqortinneqarsimaneri qulakkiissavai:

- 1) Siulersuisunut imaluunniit qullersaqarfimmi ilaasortamut akissarsiat ilai allanngorartut akissarsiat aamma tungaviumik aalajangersimasut akissarsiat pensionit ilanngullugit annerpaamik 50 pct.-iinik annertussuseqassapput, taamaattorli § 77 b, imm. 1 takuuk.
- 2) Sulisunut allanut, suliffeqarfiup qularnartuutaanut annertuumik sunniuteqartumik suliaqartunut akissarsiat ilaannut allanngorartunut tulluurtumik qummut killiliussamik aalajangersaasoqassaaq.

3) Siulersuisunut, qullersaqarfimmut sulisunillu allanut, suliffeqarfiup qularnartuutaanut annertuumik sunniuteqartumik suliaqartunut akissarsiat ilai allanngorartut ikinnerpaamik 50 pct.-ii taakku naatsorsornerini piffissami tassaassapput suliffeqarfimmi taassumaluunniit suliffimmik piginnittuani, suliffeqarfimmi tamakkiisumik piginnittumi piginneqataassutit imaluunniit piginneqataassutit tunngavigalugit sakkut, imaluunniit sakkut, suliffeqarfiup aningaasanik atortissallugu tatiginartuuneranut naapertuuttut, tasunga ilanngullugit suliffeqarfimmi aningaasaatit pingaarnerit akuleriit, § 129, imm. 2-mi piumasaqaatinik naammassinnittut, taamaattorli imm. 2 takuuk. sillimmasiisarfiit eqqarsaatigalugit siulersuisunut, qullersaqarfimmut sulisunillu allanut, suliffeqarfiup qularnartuutaanut annertuumik sunniuteqartumik suliaqartunut akissarsiat ilai allanngorartut ikinnerpaamik 50 pct.-ii tassaassapput sillimmasiisarfiimmi akiitsut tamakkiisumik matussuserneqareersimasut.

4) Suliffeqarfiup, aningaasani annertunerusuni ikinnerpaamik 60 pct.-ini, akissarsiat ilaannik allanngorartunik ikinnerpaamik 40 pct.-inik tunniussinera piffissami sivikinnerpaamik ukiuni pingasuni pissaq naatsorsuinermi piffissami ukiup ataatsip kingorna aallartinneqartoq, taamaattorli siulersuisunut qullersaqarfimmullu sivikinnerpaamik ukiut sisamat, ukiut ingerlanerani naligiissumik agguarsimasut imaluunniit piffissap naaneranut annertusiartortut.

5) Suliffeqarfik akissarsiat ilaannik allanngorartunik tunniussinerani piffissami § 127-mi aningaasaatinut piumasaqaatinik imaluunniit § 170-mi akissaqassutsimut piumasaqaatinik naammassinninngippat imaluunniit tamatumunnga qularnartoqartoq Finanstilsyni naliliippat akissarsiat ilaannik allanngorartunik suliffeqarfik tunniussinissani pinngitsoortissinnaavaa.

6) Suliffeqarfik akissarsiat ilaannik allanngorartunik tunniussinerani, akissarsiat allanngorartut pillugit isumaqatigiisummi pineqartumi piffissami, aamma taakku naatsorsornerinut piffissaq tikillugu akissaqassutsimut piumasaqaammik naammassinninnissaq pillugu § 225, imm. 1 imaluunniit 3 malillugu Finanstilsynimit piffissalernerqaruni imaluunniit § 248, imm. 1 naapertorlugu Finanstilsyni piumasaqaruni suliffeqarfiup aningaasaqarnikkut inissisimanerata pilerseqqinnissaa pillugu suliffeqarfik pilersaarusoqquneqarpat suliffeqarfik siulersuisunut qullersaqarfimmullu akissarsianik allanngorartunik akissarsisitsissanngilaq.

Imm. 2. Aningaasanik ingerlataqarfinni aningaasanillu piginnittut suliffeqarfinni siulersuisut qullersaqarfillu eqqarsaatigalugit akissarsiat ilai allanngorartut akissarsiat aamma tunngaviusumik aalajangersimasut akissarsiat pensionit ilanngullugit annerpaamik 12,5 pct.-iinik taakku naatsorsornerini piffissami annertussuseqassapput.

Imm. 3. Aningaasanik ingerlataqarfiup imaluunniit aningaasanik piginnittut suliffeqarfiup qulakkiissavaa piginneqataassutit sakkullu il.il., siulersuisunut, qullersaqarfimmut sulisunillu allanut, suliffeqarfiup qularnartuutaanut annertuumik sunniuteqartumik suliaqartunut, imm. 1, nr. 3-mi taaneqartutut akissarsiat allanngorartut ilaatut tunniunneqartut piffissami naleqquttumi inunnut taakkununnga tunniunneqassanngitsut, kiisalu inuit taakku piginneqataassutinut sakkunullu il.il. taakkununnga attuumassuteqartunut qularnartunut matussuseeqqusaanatik.

Imm. 4. Aningaasanik ingerlataqarfiup imaluunniit aningaasanik piginnittut suliffeqarfiup qulakkiissavaa siulersuisunut, qullersaqarfimmut sulisunillu allanut, suliffeqarfiup qularnartuutaanut annertuumik sunniuteqartumik suliaqartunut akissarsiat ilaannik allanngorartunik kinguartinneqarsimsunik imm. 1, nr. 4 malillugu tunniussinermi piumasarineqassasoq piumasaqaatit akissarsiat ilaannik allanngorartunik naatsorsuineranut tunngavissisut suli piffissami tunniussiffiusumi eqqortinneqartut, kiisalu piumasarineqarluni suliffeqarfiup aningaasaqarnikkut inissisimanagera akissarsiat ilaanik allanngorartunik naatsorsuinermit piffissamut naleqqiullugu annertuumik ajorseriarsimassanngitsaq.

Imm. 5. Aningaasanik ingerlataqarfiup imaluunniit aningaasanik piginnittut suliffeqarfiup qulakkiissavaa, siulersuisut, qullersaqarfik sulisullu allat, suliffeqarfiup qularnartuutaanut annertuumik sunniuteqartut, aamma akissarsianik allanngorartunik tigusaqartut, inernerit kukkuneqarsimanerinek uppersarsar-neqarsinnaasut pillugit paasisutissat tunngavigalugit akissarsiat allanngorartut tunniunneqarsimappata, aamma tiguisoq ajortumik isumaqarsimappat, akissarsiat allanngorartut tamakkiisumik ilaannakuusumilluunniit utertissavaat.

Imm. 6. Aningaasanik ingerlataqarfiup imaluunniit aningaasanik piginnittut suliffeqarfiup qulakkiissavaa, siulersuisut, qullersaqarfik sulisullu allat, suliffeqarfiup qularnartuutaanut annertuumik sunniuteqartut, tamakkiisumik ilaannakuusumilluunniit akissarsiat ilaannik allanngorartunik sanilliunneqarsinnaasunik pensionisiaqartinneqarpata, imm. 7 naapertorlugu, suliffeqarfiup, tiguisup pensionernissaq sioqqullugu suliffeqarfik qimappagu, imm. 1, nr. 3-mi taaneqartut sakkutut ukiuni tallimani pensioninut akiliutigisimasami ilai tigungmiinnassavai. Imm. 4 aamma 5 taamaaqataani pisuni taaneqartuni oqaaseqatigiinni siullerni atorneqassapput. Tiguisoq utoqqalinersiuteqalernermini siulersuisuni ilasortaappat imaluunniit suliffeqarfimmi atorfeqarpat imm. 1, nr. 3-mi sakkutut taaneqartut pensioninut akiliutit ilai allanngorartut tiguisumut suliffeqarfiup tunniutissavai piffissami ukiuni tallimani tunineqarnissaannut ilaqtigineqarnissaanulluunniit periarfissaqanngitsumik. Imm. 5 oqaaseqatigiit pingajuanni pisuni taaneqartuni taamaaqataani atorput.

Imm. 7. Akissarsiat ilaannik allanngorartuni paasineqarput akissarsinikkut aaqqissuussinerit akissarsisitsinerit inaarneri siumoortumik ilisimaneqanngitsut, tassunga ilanngullugit bonusinik aaqqissuussinerit, angusaqarnissamik isumaqatigiissutit aaqqissuussinernullu assigusut. Akissarsiat ilai allanngorartut angusaqarnissamik isumalluuteqartut tiguisup pineqartup angusaanik, taassuma immikkoortortaani angusanik suliffeqarfiullu angusaanik nalilersuineq tunngavigalugu aalajangersarneqassapput.

Imm. 8. Imm. 1-7-mi pissutsit taaneqartut pillugu maleruagassanik erseqqinnerusunik Finanstilsyni aalajangersaasinnaavoq.

Imm. 9. Imm. 1-7 ataatsimoorluni isumaqatigiissutinut ilaanngitsunut atorfinitsisinerimi pissutsinut taamaallaat atorput. Imm. 1-7, akissarsiat allanngorartut pillugit isumaqatigiissut isumaqatigiissummi aalajangersarneqarsimangippat, ataatsimoorluni isumaqatigiissummut ilaasuni atorfinitsisinerimi pissutsini inunnut akissarsiat ilai allanngorartut pillugit isumaqatigiissutinut taamaallaat atorput.

Imm. 10. (Kalaallit Nunaannut atulersinneqanngilaq)

§ 77 b. Aningaasanik ingerlataqarfimmut aamma aningaasanik piginnittut suliffeqarfimmut, naalagaaffimmit tapiissutisartumut imaluunniit naalagaaffimmit tapiissutisinnissamut neriorsorneqarsimasumut, tassunga ilanngullugit naalagaaffimmit aningaasaatinut aningaasaliissutit, akiligassarsisitsisarfinni naalagaaffiup aningaasaatinut aningaasaliissutai pillugit inatsit naapertorlugu, imaluunniit ataasiakkaanut naalagaaffiup qularnaveeqqusiinera, aningaasanik ingerlataqarneq pillugu inatsimmi kapitali 4 a naapertorlugu, imaluunniit Finansiel Stabilitet A/S-imi ingerlatseqatigiiffik pigineqartoq, procenti § 77 a, imm. 1, nr. 1-mi taaneqartoq 20 pct.-iuvoq.

Imm. 2. Imm. 1-mi taaneqartuni suliffeqarfimmi siulersuisunut qullersaqarfimnullu piginneqataassutitigut suliniutit nutaat imaluunniit aaqqissuussinerit assigusut aallartinneqatigusaanngillat.

Imm. 3. Imm. 1-mi taaneqartut suliffeqarfiit akissarsiat pillugit politikkiminni siulersuisunut, qullersaqarfimmut sulisunullu allanut, suliffeqarfiup qularnartuutaanut annertuumik sunniuteqartunut, akissarsianik allanngorartunik tunniussinernut tamarmiusunut, suliffeqarfiup isertitaanut naleqqiullugu, erseqqinnerusumik killiliussamik aalajangersaassapput.◀

24. § 77 a, imm. 1, nr. 3-mi, »§ 129, imm. 2-mi piunasaqaatinik naammassinnittoq, taamaattorli imm. 2 takuuk.« imatut allanngortinneqarpoq: »§ 128, imm. 2 naapertorlugu Finanstilsynimit atulersinneqartuni maleruagassani nassuiarneqartut, taamaattorli imm. 2 takuuk. Pingaarnertut aningaasaatit akuleriit, oqaaseqatigiit siulliit naapertorlugit atorneqartut, suliffeqqarfik § 127-mi aningaasaatinut piunasaqaatinik naammassinninngippat imaluunniit allatigut ajornartorsiorpat, aktiatigut, qularnaveeqqusiilluni imaluunniit piginneqataalluni aningaasaatinut allanngortinneqassapput imaluunniit Finanstilsynip suliniuteqarneratigut allanngortinneqarlutik, § 127-mi aningaasaatinut piunasaqaatinik suliffeqarfiup eqqortitsinninnissaa aarlerinartutut Finanstilsyni naliliippat.«

25. § 77 b-p kingorna ikkunneqarpoq:

»§ 77 c. Aningaasanik ingerlataqarfiit aamma aningaasanik piginnittutut suliffeqarfiit, aningaasaataasa ilai niuerfimmi malittarisassaqaartinneqartumi niuernermit ilanngunneqarsimappata, imaluunniit piffissami oqimaatigiissitsinermit ukiuni naatsorsuorsiorfiusuni kingullerni marlunni 1.000-nik amerlanerusunilluunniit agguaatigiissillugu ulloq naallugu sulisoqarsimappata, akissarsiat pillugit ataatsimiititaliamik pilersitsisapput, taamaattorli imm. 2 takujuk.

Imm. 2. Suliffissuarni arlalinnik suliffeqarfeqartuni, imm. 1 naapertorlugu akissarsiat pillugit ataatsimiititaliamik pilersitsinissamut pisussaaffeqartuni, suliffissuarni taassumaluunniit immikkoortuani suliffeqarfinnut taakkununga ataatsimoorussamik akissarsiat pillugit ataatsimiititaliamik pilersitsisoqarsinnaavoq. Akissarsiat pillugit ataatsimiititaliaq aqqissugaanikkut suliffeqarfimmi Finanstilsynimit nakkutigineqartumi inissisimassaaq, aningaasanik piginnittutut suliffeqarfik eqqaassanngikkaanni, aamma suliffeqarfimmi, ataatsimiititaliap pilersiffiani suliffeqarfinnut allanut suliffeqarfittut piginnittumi pilersinneqassalluni.

Imm. 3. Akissarsiat pillugit ataatsimiititaliami siulittaasoq kiisalu ilaasortat, akissarsiat pillugit ataatsimiititaliami pilersitsiviusumi suliffeqarfimmi siulersuisunit ilaasortaassapput, imaluunniit suliffeqarfinni, imm. 2 naapertorlugu ataatsimoorussamik akissarsiat pillugit ataatsimiititaliaqartumi siulersuisuni. Akissarsiat pillugit ataatsimiititaliaq imatut katiterneqassaaq taamaalilluni ilaasortat suliffeqarfiup akissarsisitsisarnera pillugu piukkunnaateqartumik attaviitsumillu nalilersuisinnaallutik, tassunga ilanngullugit akissarsiat pillugu politikki tassungalu atasut suleriaatsit, § 71, imm. 1, nr. 9 aamma § 77 a aamma 77 b naapertorlugit.

Imm. 4. Akissarsiat pillugit ataatsimiititaliaq akissarsisitsinermit tunngasunik siulersuisut aalajangiinerinut, tassunga ilanngullugu akissarsiat pillugit politikki aamma tamanna pillugu aalajangiinerit allat suliffeqarfiup qularnartunik aqutsinermit sunniuteqarsinnaasut, piareersaanermik isumaginnissaaq. Ataatsimiititaliaq akissarsisitsinermit tunngasunik suliassanik allanik isumaginnissaaq. Ataatsimiititaliaq piareersaalluni sulinermini suliffeqarfiup siunissami ungasinnerusumi soqutigisaanik isumaginnissaaq, tassunga ilanngullugit aamma piginneqataasunut allanullu aningaasaliisartunut naleqqiullugu.

§ 77 d. Aningaasanik ingerlataqarfik imaluunniit aningaasanik piginnittutut suliffeqarfik suliffeqarfimmi akissarsiat allanngorartut pillugit imaluunniit siulersuisunut ilaasortamik imaluunniit qullersaqarfimmi soraarnermi ajunngitsorsiasanik isumaqatigiissusiornissani sioqqullugu suliffeqarfiup qullersaatut oqartussat suliffeqarfiup akissarsiat pillugit politikki akuerisimassavaat, § 71, imm. 1, nr. 9 naap., tassunga ilanngullugit akissarsianik allanngorartunik tunniussinissamut najoqqutassat kiisalu soraarnermi ajunngitsorsiasat pillugit najoqqutassat

Imm. 2. Aningaasanik ingerlataqarfimmi imaluunniit aningaasanik piginnittutut suliffeqarfimmi siulersuisunut siulittaasoq suliffeqarfimmi qullersatut oqartussanut nalunaaruteqarnermini suliffeqarfiup siulersuisuinut qullersaqarfimmullu akissarsisitsisarnini pillugu nassuiaasiussaag. Nassuiaat ukiumi naatsorsuusiorfimmi siullermi akissarsisitsineq pillugu aamma ukiumi naatsorsuusiorfiusumi ingerlasumi tulliuuttumilu akissarsisitsinissamut ilimagisat pillugit paasissutissanik imaqassaaq.

Imm. 3. Aningaasanik ingerlataqarfiit aamma aningaasanik piginnittutut suliffeqarfiit siulersuisuni ilaasortanut ataasiakkaanu qullersaqarfimmullu, pineqartup tassani suliaqarnermini ukiumi naatsorsuusiorfiumi pineqartumi suliffeqarfimmit pissarsiarisimasai akissarsiat tamaasa ukiumoortumik nalunaarusiami tamanut saqqummiutissavai, aamma pineqartup piffissami tassani ukiumi naatsorsuusiorfiusumi suliffissuup taassuma iluani suliffeqarfimmi siulersuisuni ilaasortatut imaluunniit qullersaqarfimmi sulisutut pissarsiarisimasai.

Imm. 4. Siulersuisut, qullersaqarfiup sulisullu allat, suliffeqarfiup qularnartuutaanut annertuumik sunnuteqartut akissarsisinnerqarneri pillugit paasissutissat tamanut saqqummiunneqarnissaannut aningaasanik ingerlataqarfiit aamma aningaasanik piginnittutut suliffeqarfiit pisussaaffeqarneri pillugit maleruagassanik Finanstilsyni aalajangersaasinnaavoq.«

26. (Kalaallit Nunaannut atulersinneqanngilaq)

27. § 128 atorunnaarsinneqarpoq, taarsiullugulu ikkunneqarluni:

»§ 128. Aningaasaatit tunngaviusut tassaapput pingaarnertut aningaasaatit aningaasaatinut tapiliussat ilanngaateqartinneqartut ilanngullugit.

Imm. 2. Aningaasaatit tunngaviusut naatsorsorneri pillugit maleruagassanik Finanstilsyni aalajangersaasaaq, tassunga ilanngullugit pingaarnertut aningaasaatiivit, pingaarnertut aningaasaatit akuleriit aamma aningaasaatinut tapiliussat.

§ 128 a. Aktiatigut, qularnaveeqqusiilluni imaluunniit piginneqataassuteqarluni aningaasaatit allanngortinnissaat pillugit piumasaqaateqartumik akiitsunut allagartani aningaasanik ingerlataqarfiit atulersitsisinnanerat pillugu maleruagassanik Finanstilsyni aalajangersaasinnaavoq, tassunga ilanngullugit aktiaatileqatigiiffiit pillugit inatsimmi, kunngip peqqussutaatigut Kalaallit Nunaannut atulersinneqarsimasumik kapitali 5 aamma 6 qanoq annertutigisumik atorneqassanersoq.«

28. §§ 129-139 atorunnaarsinneqarput.

29. § 140 imatut oqaasertalerneqarpoq:

»§ 140. Illuummik qularnaveeqqusiilluni taarsigassarsisitsisarfinni tunngaviusumik aningaasaatinut nangeqattaartumik utertilluni akiliinissamut pisussaaffiliisumik piumasaqaat, 1. januar 1973 sioqqullugu ammarneqarsimasoq, § 124, imm. 8-mi piumasaqaammit illuatungilerneqarluni illuummik qularnaveeqqusiilluni taarsigassarsisitsisarfinni nangeqattaartumik sillimmasiineri aningaasaateqarfiup ilaatut nangeqattaartumik utertilluni akiliinissamut pisussaaffeqartumi naammassineqarsinnaavoq.

Imm. 2. Nangeqattaartuni utertitsilluni akiliinissamut pisussaaffeqartuni, 1. januar 1973 sioqqullugu ammarneqartuni, illuummik qularnaveeqqusiilluni taarsigassarsisitsisarfinni nangeqattaartumik sillimmasiineri aningaasaateqarfiit, taarsigassarsisunut utertitsillni akiliinissamut pisussaaffeqanngitsuni, kiisalu nangeqattaartumik sillimmasiineri aningaasaateqarfiup ilaani utertitsilluni akiliinissamut pi-

sussaaffeqartuni, illuummik qularnaveeqqusiilluni taarsigassarsineq aamma illuummik qularnaveeqqusiilluni obligatinit il.il pillugit inatsimmi § 25 naapertorlugu, akilerneqartussaannngitsuni, aamma nangeqattaartumik tunngaviumik aningaasaatinut piumasaqaatit matussusersinnissaannut ilaannngitsuni, illuummik qularnaveeqqusiilluni taarsigassarsisitsisarfinnut tunngaviumik aningaasaatinut piumasaqaatit naammassi-neqarnerinut ilanngullugit naatsorsorneqassapput.«

30. § 143, imm. 1-mi, nr. 6-p kingorna immikkoortoq nutaaq ikkunneqarpoq:

»7) illuummik qularnaveeqqusiilluni taarsigassarsisitsisarfinnik akuersineq aamma akiligassarsinissamut naliliisarfiit akiligassarsinissamut naliliinerit periutsillu pillugit paasissutissanik tamanut saqqummi-ussinerat,«

Nr. 7 aamma 8 matuma kingorna nr. 8 aamma 9-nngorput.

31. § 143, imm. 1, nr. 7-mi, »periutsit,« kingorna ikkunneqarpoq: »aamma«.

32. § 143, imm. 1, nr. 7, nr. 8-nngortoq, atorunnaarpoq.

Nr. 9 matuma kingorna nr. 8-nngorpoq.

33. § 145, imm. 1, oqaaseqatigiit aappaanni, aamma § 145, imm. 3, oqaaseqatigiinni siullerni, »§ 135, imm. 1, nr. 4 naapertorlugu tapiliusaaq ilanngunnagu, aamma § 131, imm. 2, nr. 3, aamma § 139, imm. 1, nr. 4 aamma 5 naapertorlugit ilanngaateqartillugu« imatut allannngortinneqarpoq: »§ 128, imm. 2 naapertorlugu maleruagassat atulersinneqartut malillugit, § 148, nr. 5 naapertorlugu maleruagassat atulersinneqartut ilanngaatalugit«.

34. § 145, imm. 9 aamma 10, imatut oqaasertalerneqarput:

»Imm. 9. Sillimmasiisarfimmi pigineqartumi imaluunniit sillimmasiisarfimmi kattussimasumi aningaasaa-tigut piumasaqaatit ilai, sillimmasiisarfiup aktiatigut aamma qularnaveeqqusiilluni aningaasaataasa ilaanik toqqaannartumik toqqaannanngitsumilluunniit pigisaanut naapertuutut, aamma § 128, imm. 2 naapertorlu-gu maleruagassat atulersinneqartut malillugit tunngaviumik aningaasaatini ilanngaatigineqartut, ingerlatseqatigiiffimmi pigisami imaluunniit sillimmasiisarnermik ingerlataqartumi ingerlatseqatigiiffimmi kat-tussimasumi peqataassutitut ilanngullugit naatsorsorneqassanngillat.

Imm. 10. Aningaasaatit ilai, aningaasaatinut aningaasaliissutit tamakkiisumik matussuserneqareersimasut aamma aningaasaatit ilai attartorfiusimasut, § 128, imm. 2 naapertorlugu maleruagassat atulersinneqartut malillugit tunngaviumik aningaasaataatinut ilanngaatigineqartut, atulersitsisumut peqataassutitut ilanngullugit naatsor-sorneqassanngillat.«

35. § 145, imm. 11-mi, »§ 131, imm. 1, nr. 3 naapertorlugu« imatut allannngortinneqarpoq: », § 128 naapertorlugu«.

36. § 148-mi nr. 4-p kingorna immikkoortoq nutaaq ikkunneqarpoq:

»5) § 145-mi naatsorsuinerni tunngaviumik aningaasaatini ilanngaait,«

Nr. 5 aamma 6 matutma kingorna nr. 6 aamma 7-nngorput.

37. (Kalaallit Nunaannut atulersinneqanngilaq)

38. § 168-mi »§ 163, imm. 1, nr. 4«-p kingorna ikkunneqarpoq: », aamma imm. 2, oqaaseqatigiit siullit,«.

39. § 178, imm. 2-mi, »§§ 129 aamma 135« imatut allanngortinneqarpoq: »§ 128 naapertorlugu maleruagassat atulersinneqartut«.

40. § 188-mi imm. 2-p kingorna immikkoortoq nutaaq ikkunneqarpoq:

»Imm. 3. Imm. 1, nr. 8 apequtaatinnagu akiligassat ilanngullugit naatsorsornissaannut pisussaaffik pillugu maleruagassanik Finanstilsyni aalajangersaasinnaavoq.«

Imm. 3 matuma kingorna imm. 4-nngorpoq.

41. (Kalaallit Nunaannut atulersinneqanngilaq)

42. (Kalaallit Nunaannut atulersinneqanngilaq)

43. § 254-mi imm. 7-tut ikkunneqarpoq:

»Imm. 7. § 159, imm. 1 naapertorlugu pigisanut nalilinnut ilaasinnaasunik aningaasatigut isumaqatigiisutit inaarlugit akilernerini nuussinerit pillugit isumaqatigiisutit aqutsisumit ataqpineqassapput, pappiaqqanik ani-ngaasanik nalilinnik niuerneq il.il. pillugu inatsimmi, kunngip peqqussutaatigut Kalaallit Nunaannut atulersinneqartumi § 58 h naapertorlugu.«

44. (Kalaallit Nunaannut atulersinneqanngilaq)

45. (Kalaallit Nunaannut atulersinneqanngilaq)

46. § 343 g-mi »§ 43, imm. 1 aamma 2« imatut allanngortinneqarpoq: »§ 43, imm. 1, 2 aamma 4«.

47. § 344, imm. 3 aamma 4, atorunnaarput.

Imm. 5-8 matuma kingorna imm. 3-6-nngorput.

48. § 345-mi imm. 13-tut ikkunneqarpoq:

»Imm. 13. Det Finansielle Virksomhedsrådip aamma imm. 2, nr. 1 malillugu piginnaatitaanini Finanstilsynimut suliassanngortissinnaavaa.«

49. § 347 a imatut oqaasertalerneqarpoq:

»§ 347 a. Aningaasanik ingerlataqarneq pillugu Finanstilsynip naliliinera pillugu paasissutissani tamanut saqqummiussinissamut aningaasanik ingerlataqarfiit pisussaaffeqarnerat pillugu, aamma aningaasanik ingerlataqarneq sioqqullugu paasissutissanik tamanut saqqummiussinissamut Finanstilsynip periarfissaqarnera pillugu maleruagassanik Inuussutissarsiornermut Siuariartornermullu ministeri aalajangersaasinnaavoq.«

50. § 354, imm. 6, nr. 21, imatut oqaasertalerneqarpoq:

»21) Kommissioni, taarsigassarsinissamut nalilersuisarfiit pillugit Europa-Parlamentip aamma Rådip peqqussutaa naapertorlugu suliassaminik isumaginninnissamut tamatumingga pisariaqartitsiguni, Den Europæiske Banktilsynsmyndighed, det Europæiske Råd for Systemiske Risici, Den Europæiske Rilsyngmyndighed for Forsikrings- og Arbejdsmarkedspensionsordninger aamma Den Europæiske Værdipapir- og Markedstilsynsmyndighed kiisalu taakku ataanni pilersinneqartut aaqqissugaaneri, paasissutissanik tiguisut taakku suliassaannik isumaginninnissamut pisariaqartitsippata.«

51. § 354, imm. 6, nr. 22-mi, »imm. 10 aamma 11« imatut allanngortinneqarpoq: »imm. 11 aamma 12.«

52. § 354-mi imm. 7-p kingorna immikkoortoq nutaaq ikkunneqarpoq:

»Imm. 8. Imm.. 6, nr. 21 naapertorlugu paasissutissanik isertuussassat tiguneqartut, imm. 7-mi taaneqartutut nipangiussisussaataaneq apeqqutaatinnagu illuani Den Europæiske Banktilsynsmyndighed, Den Europæiske Tilsynsmyndighed for Forsikrings- og Arbejdsmarkedspensionsordninger aamma Den Europæiske Værdipapir- og Markedstilsynsmyndighed kiisalu taakkunannga pilersinneqartut aaqquussinerit illuanilu Det Europæiske Råd for Systemiske Risici akornanni toqqaannartumik paarlaaqatigiissinnaavaat.«
Imm. 8-12 matuma kingorna imm. 9-13-nngorput.

53. § 354 a, imm. 1-mi, oqaaseqatigiit sisamaattut ikkunneqarpoq:

»Oqaaseqatigiit siulliit – pingajuat aamma Det Finansielle Virksomhedsrådimit suliassiissut malillugu Finanstilsynimit aalajangiiffiqineqartut politiinit misissugassanngorlugit suliat tunniunneqarneri pillugit aalajangiinernut atuupput.«

54. § 360, imm. 1, imatut oqaasertalerneqarpoq:

»Aningaasanut inatsimmi Finanstilsynip aningaasaliissutai Kammeradvokatimut aningaasartuutit ilanngullugit aamma nioqutissanik kiffartuussinernillu tunisinerit ilanngaatilugit Finanstilsynip nakkutigisaanik suliffeqarfinnit akitsuutitut akileqquneqarsinnaapput, §§ 361-370 naap.«

55. § 361, imm. 1, nr. 23-mi, »100.000« imatut allanngortinneqarpoq: »68.150«.

56. § 361, imm. 1, nr. 24-mi, »60.000« imatut allanngortinneqarpoq: »40.900«.

57. § 361, imm. 1, nr. 25-mi, »6.000« imatut allanngortinneqarpoq: »4.100«.

58. § 361, imm. 1, nr. 26-mi, »15.000« imatut allanngortinneqarpoq: »10.000«.

59. § 361, imm. 1-mi, nr. 27-tut ikkunneqarpoq:

»27) Atulersitsisut, niuerfimmi malittarisassaqartinneqartumi niuernerimut ilaasut, pappiaqqanik aningaasanik nalilinnik niuernerq il.il. pillugu inatsit, kunngip peqqussutaatigut Kalaallit Nunaannut atulersinneqartoq naapertorlugu, ukiumut 2.000 kr.-inik akiliisassapput.«

60. § 373, imm. 1 aamma 2, imatut oqaasertalerneqarpoq:

»§ 7, imm. 1 aamma 3-6, § 8, imm. 1 aamma 3-6, § 9, imm. 1-3 aamma 5-7, § 10, imm. 1-4, § 11, imm. 1, 3 aamma 4, § 24, imm. 1, oqaaseqatigiit aappaat, § 25, oqaaseqatigiit aappaat, §§ 27 aamma 28, § 31, imm. 7, 8 aamma 10, § 33, imm. 1, § 36, § 38, imm. 1 aamma 6, aamma imm. 7, oqaaseqatigiit siulliit, § 39, imm. 1, 3, 4 aamma 6, §§ 40 aamma 44-46, § 52, § 53, imm. 1 aamma 2, § 61, imm. 1, §§ 61 b aamma 61 c, § 63, imm. 1, 2 aamma 4, § 64, imm. 3, imm. 2, nr. 1 aamma 2 tak., § 65, imm. 1, § 66, § 67, imm. 1, § 74, imm. 1 aamma 3, §§ 75, 76 aamma 78, § 101, imm. 1, 2 aamma 4, § 102, imm. 2, oqaaseqatigiit siulliit, aamma imm. 3, §§ 103-106 aamma 117, § 118, imm. 5, § 119, § 120, imm. 1, oqaaseqatigiit aappaat, aamma imm. 2, § 124, imm. 1-4, 7 aamma 8, § 125, imm. 1-3, 5 aamma 7, § 125 a, § 126, imm. 1, 2 aamma 8, § 129, imm. 9, § 132, imm. 1, nr. 4, § 134, nr. 7, § 138, nr. 8, § 145, imm. 1-3, imm. 4, oqaaseqatigiit siulliit, imm. 5 aamma imm. 6, oqaaseqatigiit siulliit, § 146, imm. 1, § 147, imm. 1, § 149, imm. 1 aamma 3, § 150, § 152, imm. 1-3, § 153, imm. 1, §§ 154 aamma 170-175, § 182, imm. 1 aamma 2, § 194, § 195, imm. 1-3, §§ 200 aamma 201, § 204, imm. 1, § 226, imm. 1 aamma 2,

aamma imm. 5, oqaaseqatigiit siulliit, §§ 227 aamma 334, § 343 a, imm. 1, § 343 f, imm. 3, § 343 j-mik unioqquitsinerit Kalaallit Nunaannut pinerluttulerinermi inatsit malillugu pineqaatissinneqassapput.

Imm. 2. § 54, imm. 2, § 57, imm. 1, § 70, imm. 1-4, § 71, imm. 1, § 72, imm. 1 aamma 2, aamma imm. 3, oqaaseqatigiit pingajuat, § 73, imm. 1, oqaaseqatigiit siulliit, aamma imm. 2, § 77, imm. 1-6 aamma 10, § 77 a, imm. 1-7 aamma 9, §§ 77 b aamma 77 c, § 77 d, imm. 1, § 80, imm. 1, imm. 2, oqaaseqatigiit siulliit, aamma imm. 3, 7 aamma 8, § 108, imm. 1-6, § 121, imm. 1, §§ 122, 123, 158, 159 aamma 167, § 183, imm. 1, oqaaseqatigiit siulliit, § 184, imm. 1, § 185, imm. 1 aamma 2, aamma imm. 3, oqaaseqatigiit siulliit, §§ 186 aamma 187, § 188, imm. 1, imm. 2, oqaaseqatigiit siulliit, aamma imm. 3, oqaaseqatigiit aappaat, §§ 189 aamma 190, § 191, imm. 1-3, § 192, oqaaseqatigiit siulliit, § 193, oqaaseqatigiit siulliit, § 198, imm. 1, § 199, imm. 2 aamma 5, § 347 b, imm. 3-mik unioqquitsinerit Kalaallit Nunaannut pinerluttulerinermi inatsit malillugu akiliisitsinikkut pineqaatissinneqassapput.«

61. § 373, *imm. 1-mi*, »§ 129, imm. 9, § 132, imm. 1, nr. 4, § 134, nr. 7, § 138, nr. 8,« peerneqarpoq.

62. (Kalaallit Nunaannut atulersinneqanngilaq)

63. § 373-mi *imm. 9-tut* ikkunneqarpoq:

»*Imm. 9.* Imm. 1-3 malilugu pillaanissamik uuttuinerimi unioqquitsinerup peqqarniinnera, kiisalu unioqquitsinerup qanoq sivilutigisumik atuussimanera pingaartinneqassaaq.«

64. § 373-p kingorna ikkunneqarpoq:

»§ 373 a. Inatsimmik matuminnga unioqquitsinerit, akileeqqusilluni pillaanermit qaffasinnerusumik pineqaatissiinissamik kinguneqartussaangitsutut missiliorneqarlutik, pillugit suliani erseqqinnerusumik allanneqartuni Finanstilsynip akiliisitsiniummi nalunaarutigisinnaagaa suliaq eqqartuussinertaqanngitsumik aalajangiiffiqarsinnaasoq, unioqquitsisoq nalunaarsimappat unioqquitsinerimi pisuulluni aamma akiliisitsiniummi akiliinissamut erseqqinnerusumik piffissaliussap iluani akiliinissaminik nalunaarsimappat, maleruagassanik inuussutissarsionermut siuariartornermullu ministeri aalajangersaasinnaavoq.

Imm. 2. Allakkap unnerluussutip imarisassanut piumasaqaatit pillugit, aamma pasisaq oqaaseqarnissaminut pisussaaffeqannginera pillugu Kalaallit Nunaannut eqqartuussisarnermut inatsit taamaaqataanik akiliisitsiniutinut atorpoq.

Imm. 3. Akiliisitsissut akuerineqarpat malersueqqinnissaq atorunnaassaaq.«

65. § 407, *imm. 1*, atorunnaarpoq.

Imm. 2 matuma kingorna imm. 1-inngorpoq.

66. (Kalaallit Nunaannut atulersinneqanngilaq)

§ 2

Peqqussut ulloq x. xx 2015-mi atulersinneqarpoq.

¹ Aalajangersagaq ima oqaasertaqarpoq: » *Imm. 1.* §§ 1-11, 13, 15, 16, 18, § 19, nr. 1, aamma §§ 20-27 Sa-valimmiunut aamma Kalaallit Nunaannut atuutinngillat. *Imm. 2.* (Ilaatinneqanngilaq) *Imm. 3.* (Ilaatinneqanngilaq)

Imm. 4. §§ 1-7, 9, 15, 16 aamma 18, § 19, nr. 1, aamma §§ 20 og 25-27 kunngip peqqussutaatigut tamakkii-sumik ilaannakuusumilluunniit Savalimiunut aamma Kalaallit Nunaannut atulersinneqarsinnaavoq, Savalimmiuni aamma Kalaallit Nunaanni pissutsit naapertorlugit allannguuteqartillugu.»